

地 410, 89
541
122

蓋平縣鄉土志 上卷



中華民國八年六月中旬旬編輯

蓋平縣鄉土志

中華民國九年五月杪印刷

蓋平縣鄉土志

一

蓋平教養工廠印

北洋法政專門別科畢業前清附貢庠成法官
代理吉省地檢廳檢察官署理賓縣初審廳推事 崔正峰
前清優附生考職一等分省試用巡檢現充勸學所勸學員郭春藻 編輯

蓋平縣學務委員

劉寶珩
許德明
李光九
李鑑塘
苗沛興
孫紹陽

調查

前清光緒科舉人省立第三師範國教習王郁雲

前清恩貢候選州判教養工廠廠長戰興邦

校正

序

已未之春余捧檄權斯邑下車伊始即求縣志良以蓋平為古名邑得縣志則聲名文物風土人情可以盡知而易施治也乃詢之署中各科無此書訪之各學校無此書更覓之縉紳之家亦無此書僅由王君者貴送閱一本殘篇斷簡抄寫錯漏殊不足以資參考不禁喟然而歎夫縣之有志猶家之有譜也不獨為知縣事者之應知紳商農工軍警各界亦應知而學界中尤為必不可不知也學校無不有歷史一科而本籍之歷史不知焉無不有地理一科而本境之地理不知焉無不有修身一科而本籍之昔賢無所知無所知則於修身莫知所景仰而崇尚焉况 巡閱使有徵取

蓋平縣鄉土志序

一

蓋平教養工廠石印

之令營口縣有借證之咨是縣志之編輯實為亟不可緩適有族兄幼樵之門人馮慶瀾拔萃來署相見極力邀為編輯詎以黑龍江孫督軍函邀入幕不克共襄是舉隨經推荐郭君春藻眾議院議員孫君孝宗又推荐崔君正峰堪任編輯之事當倩勸學所長蔡向陽籌備處所相邀編輯自八年六月至九年一月始成并屬族姪燾之同年王郁雲孝廉暨戰興邦貢士共同校正乃書未校竣省立第三師範學校有人與戰君相熟竟假閱而詳錄以去愈可見斯志之編輯大有裨益尤為不容緩也茲將以斯志付手民特擬其梗概而為之序

中華民國 九年 二月既望 知縣事紹興章運燧 識

序

國之有史家之有乘鄉土之有志一也蓋天地間之萬事萬物曇
花一現過而不留無以記之將前不見古人後不見來茲舉千載
以來兩間之形形色色光怪陸離皆恍恍迷離而不可辨桃花流
水杳然一去而不返也詎非憾事哉士君子數歷中外上下五千
年縱橫數萬里且無不了然於心若數典即忘里鄙不知不大可
惜耶况鄉土志一書舉一縣之風土人物歷代規模在在有關於
政治經濟足裨寔用者尤鉅唐書謂渤海人習識古今制度如生
平釣遊之區且不能稱說一二又何制度之可識哉昔太史公作
史記七表八志所由起為先例傳之靡窮也光緒末葉學部訂成

目錄頌之各縣余友沈慶颺羹唐曾奉委編輯旋以未付剞劂費
志以沒又垂十餘年遺稿飄零僅存山水物產不過全書十分之
一乾嘉以上雖有早年縣志一書又不翅丁秦火之厄無足參稽
本年夏大府尋向章衡卿邑侯索取斯書適衆議院省議會議士
孫孝宗臧景祺兩先生薦余濫竽編輯一席江省馮諮議官慶瀾
並存余門人郭春藻同任此事遂蒙章邑侯同意自陽歷七月已
來蒐羅兼事調查經五閱月而始告成在余謏陋無學固未敢云
克盡厥職然勉終其事一則副我邑侯雅意俾我邑有此縣志
一書二則如天將破曉稍開曙先後有博洽君子再能踵此放一
異彩得成完全善本則余之望也

中華民國九年 二月

古辰州後學崔正峰溪珊 序

蓋平縣鄉土志序

二

蓋平教養工廠石印

序

釋氏有云乾坤大葉舟今古長流水每誦其言不禁往復流連而世界之萬事萬物彌綸磅礴於天地間者直寄焉而已然事物寄於天地而能傳之古今閱數千百年而歷歷可攷者何哉恃有史乘之紀載也鄉土有志濫觴於周禮外史四方之志與漢書之郡國志蓋分而言之則為一縣之鄉土合而言之則皆國家之輿圖也且一縣之人文物產道里山川在在有關於政治即草木蟲魚之微末又無一不切於實用之研究所係不綦重哉蓋平於古為邊徼之地世運迭嬗代有沿革惜文獻飄零無從徵信論古者動引以為憾己未夏縣知事章衡卿邑侯蒞守茲土下車伊始即

蓋平縣鄉土志序

一

蓋平教養三做石印

留心吏治於風土民情時深厯念訪求縣志已成灰燼之餘求得故友沈菊邨先生遺稿而簡斷編殘類多闕略根觸者久之適大府有徵修縣志之命我邑侯亟招士紳商確余以至友薦剡奉委與溪珊夫子同事編輯自愧作史無才秉筆邑乘游夏一辭恐不足贊筆削之嚴且尤慮隕越貽羞無以副單父任人之知遇用是惴惴勉竭駑駘蒐羅正史博採舊聞又復隨時調查凡事必錄其實五閱月而斯書告成在余不敏知不免譎陋貽譏然非則折衷於夫子去取則審定於邑侯又經王詒林戰獻廷兩先生之校正俾吾邑數千年來人物風化不共滄桑而俱變後之讀斯志者亦或觀化有自此則余之所深幸也夫

中華民國九年 月 蓋平後學郭春藻蔭軒 序

蓋平縣鄉土志序

二

蓋平教養工廠石印

序

余生雅尚文學恒心儀於古作者之林惟足不出鄉里游覽未閱
觀聞以僻雖間學執筆著易圖略解潛軒讀書記藝舟雙楫論書
釋要聊齋拾闕書後友陶畊者軒詩文集各種究之硜硜私說未
足成一家言遑云窺古人之堂奧抑亦略存心迹耳每念吾邑東
絡羣山西瀕大海秀靈鍾毓蔚為文瑞其鴻篇鉅製經世之學自
應不乏流傳特恐山深林密即有高材名宿鄉先正隱君子其人
而筆墨無靈不足干城自衛往往琦文瑰字經風霜兵燹以俱湮
良可慨已今斯志成余得謬膺校正心竊然喜方謂九我邑古今
大著作凋殘散失磨滅埋沒而不彰者必經諸同人多方蒐羅采

蓋平縣鄉土志序

一

蓋平教養工廠石印

輯之拾遺補闕俾發幽光不令隨秋蘭璞璧終淪棄於窮鄉空谷
之中斯文不墜吾道之幸也乃欣欣披閱諸稱完備洵堪冀世礪
俗獨闕文藝一門為之悵然者久既而反覆思維山川草木皆文
章人物風俗即學問謂煌煌大文已隱寓於字裏行間即作藝文
志觀當無不可此河渠平準諸書游俠貨殖列傳所由雜出於史
記而為千古文學之極軌歟吾願覽斯志者因之廣智猷敦風化
裕經濟勵廉能視彼詞章記誦徒託空文相去不可以道里計噫
升高自卑行遠自邇人欲洞然於天下古今大勢必先從一鄉一
邑融會貫通縷晰靡遺斯為有裨實用者矣

蓋邑王郁雲兆林序於友陶畊者軒

序

鄉土志一書在昔八股時代工駢儷務帖括者率不以之為重輕故碩學宿儒有問以某山某水之原委某人某物之事理輒謝以不知而不以為恥者所在皆是今者國體已更科學尤重而學又皆求實際舉凡風土民情山川草木道里河渠以及人事之遺留物類之動植皆有待於研究以為增長學問擴充智識之具此鄉土志之所由見重也惜我蓋邑之鄉土志向付闕如間有見於前清盛京通志者僅寥寥如晨星雖事皆徵實然或詳古而略今或舉大而遺細未免有掛漏之憾焉今幸崔君溪珊郭君蔭軒承我邑侯章公之重囑不惜殫精竭力搜羅而編輯之吾知此志既成

蓋平縣鄉土志序

一

蓋平教養工廠石印

小之可以擴學士之見聞大之可以備國家之採擇其有所裨益於學界者豈僅在吾一邑一鄉也哉

中華民國九年二月

蓋邑戰興邦憲庭序

蓋平縣鄉土志目錄

設治沿革附表及縣城圖

政績錄

兵事錄

名宦錄 忠義附

耆舊錄

孝義錄

節烈錄

人類

戶口附表

蓋平鄉土志目錄

一

蓋平教養工廠石印

田賦附表

雜稅附表

風俗

氏族

宗教

方伎

實業

商政

工政

學務 學校附

警務

農務 農會附

商務 商會及輸出輸入歲額表附

礦務

縣境圖附

區界附表及自治學校區界

市鎮

公所

學校

橋梁渡船附

祠祀廟宇附名宦忠孝節義祠

古蹟

古墓

山脈

河流

道路

物產

鹽灘

漁業

山剪

鄉土歷史志卷之上

設治沿革

縣境為箕宿分野堯之時屬青州舜之時屬營州周初屬朝鮮戰國時屬燕秦為遼東郡漢又為玄菟郡置平郭安市兩縣魏置平州晉初仍之前燕時屬平郭城符秦時屬遼東郡北燕復置平郭郡治南北朝時沒入高句麗改平郭為建安城隋時仍屬高句麗始置城曰蓋牟蓋漢書地理志曰西蓋馬又以為蓋馬縣即本境蓋字之緣起也又於東北六十里置安市城渤海今之唐李世績征高麗破蓋牟遂取之改為蓋州屬安東都護府尋收其民以歸渤海國渤海仍蓋州也後又改為辰州辰州得名韓五代時復屬高句麗北宋時遼於辰州領建安一縣

蓋平縣鄉土志

一

蓋平教養工廠石印

又因渤海降戶置歸州縣西南九十里南宋時金以辰與陳同音仍名蓋州領湯池建安岫巖熊岳四縣元初屬遼陽府改為蓋州路又名為東京支郡延祐五年復置蓋州等處怯恰千戶所明洪武五年指揮吳玉因舊土城修築之九年廢所改設為蓋州衛城周圍七里三步高一丈五尺門三東曰順清南曰廣恩西曰寧海鐘鼓樓一在城中衢前清康熙三年改為蓋平隸奉天府熊岳屬之金復岫巖皆隸焉雍正十二年金復改州設治乾隆三十七年岫巖始置通判縣設知事一典史一民國二年訓導一民國元年城守尉一八旂防尉六驍騎校二民國元年倉稅官各一光緒三十四年乾隆四十三年重行修築後以西門近海人烟稀少交通寥尋填閉之俗以西門多蝎光緒季年因許俄人通行汽車始啟為清



初分全境為十二社光緒三十年析為九十四區三十四年併為十七鄉各設鄉會所宣統元年劃出北撫北惠兩鄉歸隸營縣二年改為一城四鎮兩鄉各設地方自治會民國三年停止始分設道尹本縣遂歸遼瀋道屬歷古及今雖建置名稱代有更易然市井駢列既屬衝會又係海疆要皆數千年來所締造經營駸駸乎成為一等縣缺而以迄於今日者也特地處邊徼兵燹屢經文獻莫考幾同郭公夏五而故迹已不盡可尋矣此蓋平縣沿革之大略也

附熊岳沿革

熊岳在縣西南六十里唐以前荒邈難稽自高麗壘石為城周二十

蓋平縣鄉土志

二

蓋平教養工廠石印

里唐將薛仁貴與高麗搏戰擒善射者於石城即指此也考渤海國為柸盧郡遼為盧州置盧州元德軍領熊岳縣金併入蓋州元省入建安至元三年又併建安縣入蓋州明及清仍之雍正五年設副都統於此駐防守兵一千名厥後改為防守尉並設八旂改留防守兵五百名以備勦除盜賊之用十三年增設通判乾隆三十七年移通判於岫巖九田賦訟獄悉歸蓋平

附蓋平沿革表圖附後

朝代

名稱

建

設

唐

青州

分九州本境故屬青州

虞

營州

分十二州本境故屬營州

夏

青州

仍堯時之舊

商

營州

復虞時之舊

周

朝鮮

初為朝鮮七國時燕王喜徙遼東

秦

遼東郡

秦始皇滅燕王喜拔遼東

漢

遼東郡

在本境南北置平郭安市兩縣

魏

平州

合遼東昌黎帶方樂浪及本境為平州

晉

全上

省平郭縣入平州

前燕

平郭城

無制置

苻秦

遼東郡

全上

北燕

平郭郡

全上

蓋平縣鄉土志

三

蓋平教養工廠石印

南北朝

高句麗

改平郭為建安城

隋

高句麗

置蓋牟城又修安市城

唐

蓋州

屬安東都護府唐末屬渤海

五代

高句麗

後唐明宗天成三年契丹陷平營

北宋

辰州

二州自是本境沒入於遼

南宋

蓋州

平渤海置歸州旋改為歸勝縣

元

蓋州路

降歸勝縣為鎮

明

蓋州衛

又名東京支郡尋設蓋州千戶所

清

蓋平縣

改蓋州千戶所為蓋州衛

民國

蓋平縣

初仍為蓋州衛康熙

三年設縣始改今名

無制置

東雙頂山
至青石關道

西雙頂山


馬家溝

護城濠

至新開嶺道


東

護城濠關



菜園子地
西關

道大綫電



濠城護

濠城護

關

南

清

廟三

政績錄

秦漢以前本境屬朝鮮厥後又屬郡國府治且間沒人高句麗及渤海國守令之政績可攷者益夥惟自遼金以來設州縣置衛所官茲土者興利除弊寔代不乏人爰就蒐羅所及者書之如左雖不必赫赫之功而亦台棠邨黍之遺愛也作

政績錄

政績先後

公孫度

納坦謀嘉

吳立明

王政

烏頁爾

房嵩

合住昌速館必里

吳玉

張良佐

蓋平縣鄉土志

四

蓋平教養工廠石印

張世經

趙守易

劉錫福

強上林

楊桂年

徐慶璋

金作勛

孫長青

馬俊顯

王樂曾

劉羽繩

曹涵

王景興

王鄉湖

俞恒瀛

李寶善

何守謙

祥德

姚煜

慕昌治

郭運昭

胡世仁

潘彭年

劉汝新

朱克揚

陳宗偉

錢宗昌

劉廷珍

范一瑞

陸是奎

汪雲翀

胡永年

趙孚

公孫度後漢人曾為玄菟史政治甚優後遷遼東太守卒以武功為平州牧

王政蓋州人其先在渤海及遼皆有顯者及金太祖授以盧州渤海軍即熊岳武功甚著

合住曷速館苾里海水人仕遼領辰州民多賴之後與胡十門同時歸金

納坦謀嘉上京路牙塔懶猛安人初習策論進士金承安五年特賜同進士出身調東京教授湯池主簿太學助教於本境文學裨益甚多

蓋平縣鄉土志

五

蓋平教養工廠石印

烏頁爾字珊竹元蒙古人太祖三年命充蓋州平州等處征行兵馬都元帥鎮撫東陲甚著威望本境賴以安堵

吳玉明初人洪武初官本境指揮五年因蓋平衛土城修築合城金湯鞏固千煉不墜公之勲績遠矣

吳立明南直隸鳳陽人洪武四年由遼東指揮遷蓋州衛指揮僉事守蓋州二十餘年治城郭繕甲兵課農興學在東南隅建衛學周恤疾

苦夙夜勤勞兵食饒足士民倚之

房嵩明初人里貫未詳洪武初守蓋州著有勞績及納克楚兵至見城有備遂捲旗越蓋州而去

張良佐明初人里貫未詳洪武間詔為蓋州衛指揮僉事關心文